



ATASSUT INATSIARTUNI

ATASSUT

UKA 2013/68-1

Gerhardt Petersen

22.10.13

Partiit arlaat pisortanut akiitsoqarpat, politikkikkut sulinermut pisortat tapiissutaasa noqinneqarsinnaalernissaat qulakkeerniarlugu inatsisissamut siunnersuummik saqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Andreas Uldum, Demokraatit)

Demokraatit sinnerlugit Inatsisartuni ilaasortaq Andreas Uldum matumani siunnersuuteqarpoq partiit arlaat pisortanut akiitsoqarpat, politikkikkut sulinermut pisortat tapiissutaasa noqinneqarsinnaalernissaat Naalakkersuisut sulissutigissagaat.

Innuttaasut ataasiakkaajugutta, peqatigiiffiugutta, suliffeqarfiugutta partiiuguttaluunniit tamatta akiitsuninnaveersaarnissarput akisussaaffigaarput, akiitsunissimaguttalu akiitsutta nungusarneqarnissaat pillugu akiitsoqarfigisatsinnut isumaqatigiinniaqateqarsinnaasarpugut.

ATASSUT-mit taamak naatsigisumik oqaaseqarluta partiinik ataasiakkaanik apeqqusersuisitsiniartutut isikkullit peqataaffigissannginnatsigit nalunaarutigissavarput, inassutigissavarpullu siunnersuut itigartinneqassasoq taamatullu isikkoqarluni aappassaaniigassanngortinneqassasoq.